

*Perpektong Gasa
sa Dios*



R. B. THIEME, JR.

With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:

(Gihatag pinaagi sa GLSP nga walay bayad o obligasyon.

Para sa dugang pang kasayuran text o tawag:)

Globe: 0906-347-9830

Smart: 0946-142-7563

PERPEKTONG GASA SA DIOS

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

Gawas kon sa laing paagi gipahayag, ang tanang Kasulatan niini nga libro maoy gikutlo gikan sa New American Standard Bible (NASB). Kadtong gimarkahan og “KJV” maoy gikutlo gikan sa King James Version. Ang sinanggaang komentaryo nagpadayag og pagpalapad sa NASB nga paghubad nga gitudlo diha sa Bibliyanhong klase nga mga panudlo (anaa sa MP3 CD gikan sa R. B. Thieme, Jr., Bible Ministries, Houston, Texas).

Orihinal nga naimprinta isip *GOD'S PERFECT GIFT* niadtong tuig 2004 ni R. B. Thieme, Jr. Ikatulong impresyon 2015.

Kini nga basahon napatik gikan sa mga pagtolon-an ug mga wala maimprinta nga mga sinulat ni R. B. Thieme, Jr.

Aron sa pag-order niini nga libro sa English, kontak: R. B. Thieme, Jr., Bible Ministries
P.O. Box 460829, Houston, Texas 77056-8829
www.rbthieme.org

Walay kabahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa impormasyon, nga walay nakasulat nga pagtugot gikan sa tigmantala.

Ang Kasulatan gikuha gikan sa *GOD'S PERFECT GIFT* nga libro mismo og gihubad sa Binisaya.

Napatik sa Tagbilaran City, Bohol, Philippines, 2017.

Hinubad ngadto sa Binisaya nga pinulongan ni Jerome L. Salutan. Gitan-aw pagbalik nila ni Amado D. Carejo, David C. Vicoy ug Raflyn H. Salutan. Gipatik nga may pagtugot sa R. B. Thieme, Jr., Bible Ministries.

PERPEKTONG GASA SA DIOS

ANG PASKO MAOY USA KA KAHIBULUNGANG OKASYON para sa paghatag sa mga regalo. Apan ang labing dako nga gasa sa tanan mao ang usa nga gitagna pinaagi ni Isaiah mga siglo ang milabay: “Kay nganhi kanato usa ka bata ang matawo, nganhi kanato usa ka anak maoy gihatag” (Isaiah 9:6, KJV). Si Jesu-Kristo mao ang perpektong gasa sa Dios ngadto sa tanang katawhan—ang sekreto sa matag panalangin ug matag kalipay para sa panahon ug para sa tibuuk eternidad. Sa dihang ikaw magpili sa pagdawat sa Iyang gasa, nan ikaw makadawat ug makatag-iya og waykatapusang kaluwasan. Bisan pa,

ikaw dili gayud sa tinuud makamahal niini nga gasa hangtod nga ikaw unang makasabut sa grasya sa Dios.

Gikan sa labawng-kamandoang kabubut-on sa Dios miabut ang divine nga plano nga gitawag og “Operasyon sa Grasya.” Walay usa gayud sa bisan kanus-a ang makakuha o angayan sa bisan unsa nga gikan sa Dios. Apan diha sa Iyang waykinutubang gugma ug grasya, ang Dios gawasnong nagsangkap sa matag butang para kanato aron makaangkon og usa ka waykatapusang relasyon uban Kaniya (Mga Taga-Efeso 2:8-9). Ang plano sa grasya sa Dios ug kamatuuran maoy “napatuman pinaagi ni Jesu-Kristo” (Juan 1:17), ang sa talagsaon nga natawo nga Anak sa Dios.

ANG DIOS-TAWO

Aron makahibalo sa Dios, kita kinahanglang makahibalo ni Jesu-Kristo. Si Jesu-Kristo mao ang talagsaong persona sa uniberso, ang Dios-tawo, dimokunhod

nga pagkadios ug tinuud nga pagkatawo sa dimabulag nga nahiusa diha sa usa ka persona sa kahangturan. Siya mao ang makitang pasundayag ug tigpadayag sa dimakitang Dios (Juan 1:18; Mga Hebreohanon 1:1-2). Si Jesu-Kristo maoy perpektong gasa sa Dios ngadto sa makasasalang tawo.

Isip pagkadios, si Jesu-Kristo nag-huput sa tanang divine nga mga hiyas: kinalabwang-kamandoan, pagkamatarong, hustisya, gugma, waykatapusang kinabuhi, omniscience, omnipotence, omnipresence, pagkadimausab, ug kamatinuuron. Si Jesu-Kristo mao ang magbubuhay ug tigpalahutay sa uniberso (Juan 1:3; Mga Taga-Colosas 1:16-17). Si Jesu-Kristo nagpadayag sa Iyang waykatapusang pagkaanaa ug pagkatumbas uban ang Dios nga Amahan: “Ako ug ang Amahan maoy usa” (Juan 10:30).

- Siya nagtawag sa tanang katawhan ngadto sa Iyang-kaugalingon (Mateo 11:28a).
- Siya nagsaad sa pagpasaylo sa mga sala

(Markos 2:10).

- Siya nagsaad sa pagpadala sa Balaang Espiritu (Juan 14:26; 15:26).
- Siya nagsaad sa paghatag og pahulay ug kalinaw (Mateo 11:28b; Juan 14:27).
- Siya nagsaad sa paghatag sa tanang mga magtotoo og waykatapusang kinabuhi ug usa ka lawas sa pagkabanhaw (Juan 5:24; Mga Taga-Filipos 3:20-21).

Sa katibuk-an sa tanang bahin sa Kasulatan, ang tanang divine nga mga ngalan ug mga titulo maoy gitumbok ngadto ni Jesu-Kristo. Diha sa Karaang Testamento Siya maoy gitawag og *Yahweh* o “AKO KINSA MAO AKO”; diha sa Bag-ong Testamento “Dios,” “Ginoo,” “atong bantugang Dios,” “Dios, ang Makagagahum sa tanan,” ug “HARI SA MGA HARI, UG GINOO SA MGA GINOO” (Exodo 3:14; Juan 20:28; Mga Taga-Filipos 2:11; Titus 2:13; Pinadayag 19:6, 16).

Sa maong panahon nga Siya maoy waykatapusang Dios, si Jesu-Kristo diha sa Iyang pagpakatawo nahimong tinuud nga pagkatawo (Juan 1:1, 14).

- Siya maoy natawo uban ang usa ka tawhanong lawas, kalag, ug espiritu (Mga Hebreohanon 2:14; 1 Juan 4:2).
- Iyang unud-ug-dugo nga lawas adunay normal nga pagtubo, pagbati, ug mga lihok (Lukas 2:52).
- Siya anaa sa tanang mga limitasyon sa usa ka tawhanong binuhat: Siya miantos og kagutum, kauhaw, kasakit, kakapoy; Siya mitagamtam og kalingawan ug pahulay (Mateo 4:2; 8:25; 9:10; Juan 19:28; Mga Taga-Filipos 2:6-7).
- Siya miantos og kamatayon ug maoy nabanhaw (Mateo 16:21; 28:6; Juan 19:33).

Pinaagi sa talagsaong persona ni Kristo, ang Dios diha sa Iyang grasya mipahayag sa Iyang gugma ngadto sa tibuuk tawhanong kaliwatan. Ang Iyang gugma maoy gipakita ngadto kanato pinaagi ni Jesu-Kristo kinsa nahimong tinuud nga pagkatawo aron mahimong atong puli ug mibayad og silot para sa atong mga sala.

“Kay ang Dios mihigugma kaayo sa kalibutan, nga Siya mihatag sa Iyang bugtong gipanamkon [sa talagsaon nga gipakatawo] nga Anak, nga bisan kinsa nga nagtoo diha Kaniya dili gayud mamatay, apan adunay waykatapusang kinabuhi.” (Juan 3:16)

Kon kita maoy moangkon og waykatapusang kinabuhi, ang atong mga sala kinahanglang mapasaylo ug mapapas. Si Jesu-Kristo wala mianhi dinhi sa kalibutan nga sa yano aron mohimo og mga milagro, aron mopagaan og pag-antos, o bisan pa aron motudlo og waykatapusang mga prinsipyo sa kinabuhi ug kamatayon, bisan pa og Siya mibuhat niining tanan. Si Jesu-Kristo mianhi para sa tin-aw nga katuyoan sa pagpakamatay didto sa krus para sa imong mga sala ug akoa, para sa mga sala sa tibuuk kalibutan.

Maingon nga ang Anak sa Tawo wala mianhi aron alagaran, apan

sa pag-alagad, ug sa paghatag sa Iyang kinabuhi nga usa ka lukat para sa daghan. (Mateo 20:28)

Kay si Kristo usab namatay para sa mga sala sa makausa para sa tanan, *ang* matarong para sa *mga* makasasala, aron nga Siya mahimong magdala kanato ngadto sa Dios, gibutang ngadto sa kamatayon diha sa unud, apan gihimong buhi diha sa espiritu. (1 Pedro 3:18)

Didto sa krus, si Jesu-Kristo nakatuman sa kaluwasan ug Siya nagtanyag og waykatapusang kinabuhi ngadto sa matag-usa kinsa motoo diha Kaniya:

Ug Ako naghatag og waykatapusang kinabuhi ngadto kanila, ug sila dili gayud mamatay; ug walay usa ang makaagaw kanila gawas sa

Akong kamut. (Juan 10:28)

Apan kini maoy gisulat nga ikaw motoo nga si Jesus mao ang Kristo, ang Anak sa Dios; ug aron nga sa pagtoo ikaw adunay kinabuhi diha sa Iyang ngalan. (Juan 20:31).

Karon ang bugtong isyu para sa waykatapusang relasyon uban sa Dios mao ang imong panghunahuna mahitungud sa persona ni Jesu-Kristo, perpektong gasa sa Dios. “Unsa ang imong hunahuna mahitungud ni Kristo?” (Mateo 22:42).

“Siya kinsa nagtoo diha sa Anak adunay waykatapusang kinabuhi; apan siya kinsa wala nagtuman [ang mando sa pagtoo diha] sa Anak dili makakita sa kinabuhi, apan ang kaligutgut sa Dios nagpabilin diha kaniya.” (Juan 3:36)

ANG BABAG TALI SA DIOS UG TAWO

Binilyon ka katuigan ang milabay, ang Dios nakahibalo nga “pinaagi sa usa ka tawo nga [kang Adan] pagkadili-matumanon,” ang tawo mahimong usa ka makasasala (Mga Taga-Roma 5:19). Unsa ang nahibaloan sa Dios sa milabay nga eternidad nahimong usa ka katinuuran sa dihang si Adan mibuhat sa unang sala didto sa Hardin ug usa ka dakong babag ang mibarog tali sa Dios ug tawo (Genesis 2:17; 3:6).

Busa, maingon nga pinaagi sa usa ka tawo ang sala misulud ngadto sa kalibutan, ug [espirituwal] kamatayon pinaagi sa sala, ug busa [espirituwal] ang kamatayon mikuyanap ngadto sa tanang katawhan, tungud kay ang tanan nakasala [sa dihang si Adan nakasala]. (Mga Taga-Roma 5:12)

Ang pagkamatarong sa tawo maoy gipadayag nga usa ka “mahugaw nga saput” diha sa panan-aw sa Dios (Isaiah 64:6). Samtang kini maoy tinuud nga pipila ka katawhan maoy mas maayo kay sa uban, kini usab maoy tinuud nga diha sa tawhanong kaliwatan ang tanang pagkamatarong maoy dihingpit. Ang tawo uban sa iyang dihingpit nga pagkamatarong dili gayud makaangkon og usa ka relasyon uban sa Dios kinsa maoy perpekto, absolutong pagkamatarong. Busa, usa ka dimaagian nga babag ang anaa tali sa Dios ug tawo. Bisan pa niana sa katibukan sa tanang bahin sa kapanahonan ang tawo nangita pinaagi sa iyang kaugalingong maayong mga buhat sa pagkuha og paguyon sa Dios ug sa pagtangtang niini nga babag, walay tawo sa bisan kanus-a ang milampos (Titus 3:5). Walay buhat o paningkamot pinaagi sa bisan kinsang tawo nga makatangtang sa babag.

Ang babag maoy gihulagway bisan pa nga labi pang dimabangbang sumala sa kamatuuran nga ang Dios diha sa Iyang hustisya mipahamtang og usa ka silot diha sa

sala: “ang mga bayad sa sala mao [espirituwal] ang kamatayon” (Mga Taga-Roma 6:23a). Si Adan wala mamatay sa lawasnon sa dul-an og usa ka libo ka katuigan human sa iyang sala, apan siya dihaduha namatay sa espirituhanon ug maoy nahimulag gikan sa Dios diha sa espirituhanong kamatayon.

Isip makasasalang kaliwat ni Adan, ang tawo maoy natawo sa lawasnon nga buhi apan sa espirituhanon patay. Ang sa espirituhanong patay nga tawo dili makabaton og usa ka relasyon uban sa Dios bisan diha sa panahon o eternidad. Ang Dios mipasidaan ni Adan niini nga silot para sa sala didto sa Hardin.

“Apan gikan sa kahoy sa kahibalo sa maayo ug daotan ikaw dili magkaon, kay diha sa adlaw nga ikaw mokaon gikan niini ikaw gayud mamatay.”
(Genesis 2:17)

Gikan sa tawhanong panglantaw, ang babag maoy dimalabang. Gikan

sa panglantaw sa Dios, si Jesu-Kristo mitangtang sa babag. Ang Dios nga Anak, ang Ikaduhang Persona sa Trinidad, misulud dinhi sa kalibutan ug nahimong tinuud nga pagkatawo (Juan 1:14). Katumbas sa Dios ug katumbas sa tawo, apan walay sala o ang kinaiyang makasasala, si Jesu-Kristo mao ang bugtong tawo nga sarang sa pagpuli sa makasasala ug sa maong panahon nagtagbaw sa pagkamatarong ug hustisya sa Amahan kinsa

...nagtinguha sa tanang katawhan aron maluwas ug moabut ngadto sa kahibalo sa kamatuuran. Kay adunay usa ka Dios, *ug* usa ka tigpataliwala usab tali sa Dios ug sa katawhan, *ang* tawo nga si Kristo Jesus, kinsa mihatag sa Iyang-kaugalingon isip usa ka lukat para sa tanan, ang testimonya nga *gipas-an* diha sa tukmang panahon. (1 Timoteo 2:4-6)

ANG PAGTANGTANG SA BABAG

Ang pagtangtang sa babag mahimong sumadahon diha sa usa ka pulong: panag-uli.

Kay Siya Mismo mao ang atong kalinaw[panag-uli], kinsa mihimo sa parehong *mga grupo ngadto sa usa*, ug miguba sa babag sa nagbahinbahin nga paril ... ug basin magpasig-uli pareho kanila diha sa usa ka lawas ngadto sa Dios pinaagi sa krus, pinaagi niini gibutang ngadto sa kamatayon ang daotang buut [tali sa Dios ug tawo]. (Mga Taga-Efeso 2:14,16)

Maingon nga adunay unum ka mga hapak batok sa tawo diha sa babag, busa adunay unum ka mga solusyon diha sa doktrina sa kaluwasan nga naghulagway sa buhat ni Kristo didto sa krus pinaagi nga ang babag maoy gitangtang.

ANG BABAG

SALA Isaiah 64:6b; Mga Taga-Roma 3:23
SILOT SA SALA Mga Taga-Roma 5:12; 6:23a
LAWASNONG PAGKATAWO Genesis 2:15; cf. Mga Taga-Roma 5:12; Mga Taga-Efeso 2:1
DIHINGPITINGA
PAGKAMATARONG Isaiah 64:6a; Mga Taga-Roma 9:30-33
KARAKTER SA DIOS Isaiah 46:9b; cf. 64:6b; Mga Taga-Roma 6:8
POSISYON DIHA NI ADAN 1 Mga Taga-Corinto 15:22a

BUHAT NI KRISTO ANG TIGPATALIWALA

KATUBSANAN Mga Taga-Efeso 1:7; 1 Pedro 18-19 DILIMITADONG PANGHIMAYAD 2 Mga Taga-Corinto 5:14-15; 1 Timoteo 4:10
PAGBAYAD Mga Taga-Colosas 2:14
PAGKAHIMUGSO-PAG-USAB Juan 3:1-18
IMPYUTASYON 1 Mga Taga-Corinto 1:30; 2 Mga Taga-Corinto 5:21
PAGKAHITARONG Mga Taga-Roma 4:1-5; Mga Taga-Galacia 2:16
PAGPAKIG-ULI Mga Taga-Roma 3:22-26; 1 Juan 2:2
POSISYON DIHA NI KRISTO 1 Mga Taga-Corinto 15:22b; 2 Mga Taga-Corinto 5:17

(1) Ang MALUKPANONG SALA diha sa tawhanong kaliwatan maoy gisulbad pinaagi sa KATUBSANAN ug WAYKINUTUBANG PANGHIMAYAD. Tungud kay kitang tanan natawo uban ang usa ka kinaiyang makasasala, kitang tanan gisilotan. Kitang tanan natawo ngadto sa 'merkado sa ulipon sa sala' ug magpabiling mga ulipon sa sala

(Juan 8:34) hangtod nga kita buhi gawas kon kita nagdawat sa solusyon sa Dios para sa sala—katubsanan. Ang presyo sa pagpalit sa atong katubsanan mao “*ang dugo* ni Kristo,” usa ka simbolikanhong pamulong nga nagpaila sa Iyang mapulihong espirituhanong kamatayon, ang pagpas-an sa atong mga sala didto sa krus (1 Pedro 1:19).

“Diha Kaniya kita adunay katubsanan pinaagi sa Iyang dugo, ang kapasayloan sa atong mga kalapasan, sumala sa mga bahandi sa Iyang grasya.” (Mga Taga-Efeso 1:7)

Sa pagtubus sa katawhan gikan sa merkado sa ulipon sa sala, si Jesu-Kristo maoy gihukman para sa matag sala sa matag-usa dinhi sa kalibutan nga sa bisan kanus-a nakahimo o sa bisan kanus-a mohimo pa. Ang gigikanan sa personal nga sala mao ang tawhanong kabubut-on. Ang gigikanan sa tentasyon sa sala mao ang

kinaiyang makasasala, nga maoy gipasa gikan ni Adan ngadto sa tibuuk tawhanong kaliwatan (Mga Taga-Roma 5:12). Si Jesu-Kristo mitangtang sa sala nga problema para sa tanang katawhan.

Ug Siya Mismo mao ang pagpakig-uli para sa atong mga sala; ug dili para sa atoa lamang, apan usab para *kanila* sa tibuuk kalibutan. (1 Juan 2:2)

Kini nga dilimitadong panghimayad naghimo sa katubsanan nga anaa ngadto sa tibuuk tawhanong kaliwatan (1 Pedro 2:24). Bisan pa, samtang ang tanan mahimong maluwas, dili tanan maoy maluwas—bugtong kadtong kinsa adunay pagtoo lamang diha ni Kristo lamang ang makadawat og absolutong pagkamatarong sa Dios.

(2) Ang SILOT SA SALA maoy gikansilar pinaagi sa PAGBAYAD. Si Jesu-Kristo mao ang atong puli. Siya maoy gihukman para sa atong mga sala. Siya ang mibayad sa silot sa sala pinaagi sa pag-antos sa espirituhanong

kamatayon “diha sa Iyang lawas didto sa krus” (1 Pedro 2:24). Siya ang mibayad sa utang para sa atong sala.

Ang pagpawalay bili sa sertipiko sa utang nga naglakip sa mga kamandoan batok kanato *ug* nga maoy mabatukon kanato; ug Siya mikuha niini sa agianan, og milansang niini ngadto sa krus. (Mga Taga-Colosas 2:14)

(3) Bisan ang LAWASNONG PAGKATAWO naglangkub og usa ka kakulian diha sa babag, tungud kay ang tawo natawo nga sa lawasnon buhi apan sa espirituhanon patay. Pinaagi sa Iyang buhat didto sa krus, si Jesu-Kristo misangkap og PAGKAHIMUGSO-PAG-USAB, diin si kinsa kadtong nagtoo diha Kaniya mahimong “natawo pag-usab” (Juan 3:7). Pinaagi sa pagkahimugso-pag-usab, ang tawo nahimo sa espirituhanon nga buhi ngadto sa Dios. “Bisan pa sa dihang kita maoy patay diha sa atong mga kalapasan, [Siya] mihimo kanato nga buhi sa dungan

uban ni Kristo” (Mga Taga-Efeso 2:5a).

(4) Ang DIHINGPIT NGA PAGKAMATARONG sa tawo maoy nasulbad pinaagi sa IMPYUTASYON ug PAGKAHITARONG. Sa takna sa kaluwasan, ang Dios nag-impuyut o nagpaangkon og pagkamatarong ni Kristo ngadto sa atong kwenta. Diha sa basehan sa impyutasyon sa pagkamatarong sa Dios, ang Dios nagpadayag sa ditakus nga makasasala nga nahitarong ug matarong diha sa Iyang panan-aw ug madawat ngadto sa Iyang-kaugalingon (Mga Taga-Roma 4:5).

(5) Ang KARAKTER SA DIOS nagbulag sa Dios gikan sa tawo, kay ang Dios maoy absolutong pagkamatarong (1 Timoteo 6:16a). Ang Balaang Dios dili makabaton og usa ka relasyon uban sa espirituhanong patay nga katawhan. Ang Iyang perpektong hustisya nagkinahanglan nga ang usa ka silot mabayaran para sa sala. Ang PAGPAKIG-ULI nagsulbad niini nga problema: ang Dios nga Amahan maoy napasig-uli o natagbaw, dili pinaagi sa atong mga buhat, apan pinaagi sa buhat ni Jesu-Kristo didto sa krus (1 Juan 2:2).

(6) Tawhanong POSISYON DIHA NI ADAN nagtugyan kaniya nga dimakahimo og adunay usa ka relasyon uban sa Dios:

Kay sama diha ni Adan ang tanan namatay, ingon usab diha ni Kristo ang tanan mamahimong buhi. (1 Mga Taga-Corinto 15:22)

Sa takna sa kaluwasan ang magtotoo maoy gibutang ngadto sa usa ka bag-ong POSISYON DIHA NI KRISTO. Ang magtotoo maoy anaa sa paghiusa uban ni Kristo (2 Mga Taga-Corinto 5:17), usa ka paghiusa nga dili gayud mabugto. Ang magtotoo karon nag-ambit sa matag-butang nga mao si Kristo ug anaa: Iyang waykatapusang kinabuhi (1 Juan 5:11-12); Iyang pagkamatarong (2 Mga Taga-Corinto 5:21); Iyang pagpili (Mga Taga-Efeso 1:3-4); Iyang pagkaanak (Mga Taga-Galacia 3:26); Iyang pagkamanunod (Mga Taga-Roma 8:16-17); Iyang pagkapari (Mga Hebreohanon 10:10-14); Iyang pagkaharianon (2 Timoteo 2:11-12).

Busa tanang unum ka mga hapak batok sa tawo maoy gitangtang sa kahangturan pinaagi sa buhat ni Ginoong Jesu-Kristo didto sa krus. Ang pultahan ngadto sa langit maoy abli; diin sa kaniadto mibarog ang babag, si Kristo nagbarog isip ang bugtong agianan ngadto sa langit.

Si Jesus miingon kaniya,
“Ako mao ang dalan, ug ang kamatuuran, ug ang kinabuhi; walay bisan usa ang makaadto sa Amahan, apan pinaagi Kanako.” (Juan 14:6)

Pinaagi sa usa ka buhat sa personal nga pagtoo diha ni Jesu-Kristo, ang babag maoy gitangtang para kanimo, ug ikaw maoy gipasig-uli ngadto sa Dios sa kahangturan. Diha sa takna nga ikaw nagtoo, kap-atan ka mga absoluto maoy ihatag kanimo dihadiha—kap-atan ka mga panalangin nga naglangkub og usa ka perpektong kaluwasan!

DIVINE NGA MGA SOLUSYON BATOK TAWHANONG MGA SOLUSYON

Ang matag tawo kinsa maoy naluwas ang mipili sa buhat ni Jesu-Kristo imbis kay sa iyang kaugalingong maayong mga binuhatan sa pagtagbaw sa Dios nga Amahan. Ang tawo maoy diperpekto, ug walay diperpektong plano ang maggikan sa usa ka diperpektong binuhat. Kon ang tawo makahimo og bisan unsang butang sa pagkab-ot o pagmerito sa diperpekto nga grasyang plano, nan ang kaluwasan mahimong diperpekto.

Ang Dios maoy diperpekto. Siya maoy absolutong pagkamatarong ug Siya maoy dimausab, waypagkausab (Mga Hebreohanon 13:8); sa sangputanan ang pagkamatarong sa Dios dili gayud mausab ug mahimong dimatarong. Ang Dios maoy waykatapusan. Ang waykatapusang kinabuhi plas pagkadimausab ug pagkamatarong nagpasabut nga wala gayuy usa ka panahon, wala gayuy moabut nga usa ka panahon—sa

pagkatinuud, wala gayuy *mahimong* usa ka panahon sa dihang ang Dios maoy dipatas o dimatarong diha sa bisan unsang paagi. Busa, bisan unsang butang nga moabut gikan sa Dios maoy absoluto nga perpekto.

Ang kaluwasan naggikan sa Dios; tungud kay Siya miplano sa matag detalye, kaluwasan maoy perpekto. Unsa kita ka mapasalamaton ngadto sa waykatapusang Dios kinsa nagsangkap og usa ka perpektong plano sa Iyang kaugalingong disenyo. Ang pagbuhat sa perpektong plano maoy dili diha sa mga kamut sa tawo, apan diha sa mga kamut sa talagsaong persona sa uniberso, ang Ginoong Jesu-Kristo!

Samtang ang Anak sa Dios maoy nagbitay didto sa krus, Siya misinggit, “AKONG DIOS, AKONG DIOS, NGANONG IKAW MIBIYA KANA?” (Mga Salmo 22:1; Mateo 27:46). Ngano man ang Dios nga Amahan, kinsa nahigugma sa Anak sa waykatapusan, mibiya Kaniya didto sa krus? Ang tubag maoy yano:

Siya mihimo Kaniya kinsa

nasayod nga walay sala *aron mahimong* sala sa atong kaayohan, nga kita tingali mahimo nga pagkamatarong sa Dios diha Kaniya. (2 Mga Taga-Corinto 5:21)

Si Jesu-Kristo maoy nagpuli sa atong lugar; Siya mipas-an sa tanan natong mga sala diha sa Iyang lawas didto sa krus (1 Pedro 2:24; 1 Juan 3:16). Samtang Siya mihimo, ang Dios nga Amahan kinahanglan nga mobiya gikan ni Jesu-Kristo tungud kay ang perpektong pagkamatarong sa Dios dili makabaton og pagdapat uban sa sala. Kita dili gayud magsugod sa pagsabut sa kahinungdanon sa mapulihong sakripisyo ni Jesu-Kristo didto sa krus aron mosangkap sa atong waykatapusang kaluwasan. Sa dihang si Jesu-Kristo misinggit, “Kini natapos na,” wala nay laing pagabuhaton pa (Juan 19:30).

Sa katapusan ang isyu diha sa kaluwasan mao: Ikaw ba magpili sa perpektong buhat ni Kristo didto sa krus nga mitagbaw sa

pagkamatarong sa Dios nga Amahan, o ikaw ba magpili sa imong kaugalingong diperpekto nga mga buhat diha sa usa ka mahuyang nga pagsulay aron mokuha sa pag-uyon sa Dios? Ikaw kinahanglang magpili sa usa o sa lain. Ang Kasulatan nagpadayag sa tinaw kaayo:

Kay pinaagi sa grasya ikaw naluwas pinaagi sa pagtoo; ug kana dili sa inyong-kaugalingon, *kini mao* ang gasa sa Dios; dili isip usa ka resulta sa mga buhat, nga walay usa ang makapasigarbo. (Mga Taga-Efeso 2:8-9)

Kini mao ang kaanindot sa atong hilabihang-kadako nga kaluwasan—kita nag-angkon niining maloloy-ong gasa pinaagi sa pagtoo lamang diha ni Kristo lamang (Mga Hebreohanon 2:3). Ang pagtoo diha sa iyang-kaugalingon walay merito, apan ang hingtungan sa atong pagtoo, Jesu-Kristo, sa kanunay adunay merito. Unsa

man ang hingtungdan sa imong pagtoo diha sa kaluwasan? Ikaw ba nagsalig diha sa imong kaugalingong buhat—pagkamyembro sa simbahan, bawtismo, usa ka sistema sa moralidad, ang Balaod ni Moses, ang Wali didto sa Bukid? Ang tanang maayong mga binuhatan nga si bisan kinsa ang nakahimo sa pagtuman sa bisan kanus-a diha sa usa ka tibuuk-kinabuhi og ibutang tapad sa dimatupngan nga buhat ni Kristo nagdugang ngadto sa usa ka dakong *maynus*!

Ang plano sa Dios maoy perpekto diha sa konsepto ug pagbuhat. Ang kaluwasang plano naglakip sa matag myembro sa Trinidad: ang Amahan miplano sa kaluwasan, ang Anak mibuhat sa kaluwasan, ug ang Balaang Espiritu nagpadayag sa kaluwasan. Ang babag maoy gitangtang pinaagi sa espirituhanong kamatayon ni Kristo, kinsa mipuli sa atong lugar ug nahimo nga atong puli ug tigpas-an-sa-sala. Unsa ang masdako nga plano nga anaa kay sa niini? Apan para kanato ang kaluwasan maoy yano kaayo: Kita lamang kinahanglan aron modawat sa perpektong gasa sa Dios, waykatapusang

relasyon uban ang atong Ginoong Jesu-Kristo.

Apan sama kadaghan sa midawat Kaniya, ngadto kanila Siya mihatag sa katungud sa paghimo nga mga anak sa Dios, *bisan pa* ngadto kanila kinsa nagtoo diha sa Iyang ngalan. (Juan 1:12)

Tungud kay ang babag natangtang na, bugtong ang imong panghunahuna mahitungud sa buhat ug persona ni Jesu-Kristo ang nagbarog tali kanimo ug sa Dios, tali kanimo ug sa waykatapusang kinabuhi.

WAYKATAPUSANG KINABUHI NAGSANDIG DIHA SA USA KA DESISYON

Ikaw ba naghunahuna nga ikaw makaangkon og waykatapusang kinabuhi

niini nga maong segundo? Si Nicodemus, usa ka Pariseyo ug matinuuron nga tighimog-maayo, tig-ampo ug tig-adto sa Templo sa daghang mga higayon sa usa ka adlaw, tighatag og limus ngadto sa pobre, ug maoy sa kanunay naghimo og maayong mga binuhatan, bisan pa siya miadto ni Jesus aron mangita sa agianan sa waykatapusang kinabuhi. Si Jesus mihatag kaniya og tubag sa dihang Siya mipadayag, “Sa tinuud, sa tinuud, Ako nagsulti ngadto kanimo, gawas kon ang usa maoy natawo pag-usab, siya dili makakita sa gingharian sa Dios” (Juan 3:3).

“Unsaon sa usa ka tawo nga matawo kon siya maoy tigulang na?” Si Nicodemus natingala. Unya si Jesus mipasabut sa tinaw unsaon aron matawo pag-usab ngadto sa gingharian sa Dios:

“Bisan sa ingon niana kinahanglan ang Anak sa Tawo pagaalsahon pataas; nga bisan kinsa nga nagtoo mahimong diha Kaniya makaangkon og waykatapusang kinabuhi.” (Juan 3:14b-15)

Ang waykatapusang kinabuhi nagsugod didto sa krus—pinaagi sa pagtoo diha ni Jesu-Kristo isip imong Manluluwas. Ikaw ba sa personal misalig diha Kaniya?

Ang pangutana maoy *dili*: Ikaw ba usa ka myembro sa usa ka simbahan? Ikaw ba usa ka talahurong myembro sa katilingban? Ikaw ba natawo ngadto sa usa ka Kristohanong panimalay? Ikaw ba matinud-anon diha sa imong mga gitoohan? Ang pangutana *mao*: Ikaw ba motoo diha ni Ginoong Jesu-Kristo isip imong personal nga Manluluwas? Kini mao ang bugtong paagi sa pagdawat sa gasa sa waykatapusang kinabuhi, ang bugtong paagi nga ikaw maanaa diha sa pamilya sa Dios, ang bugtong paagi nga ikaw makaadto sa langit!

WAYKATAPUSANG SEGURIDAD

Human nga ikaw sa personal mitoo diha ni Kristo, ikaw maoy sa waykatapusan anaa sa plano sa Dios. Walay makatangtang sa perpektong gasa niini nga hilabihang-

kadako nga kaluwasan. Ikaw kinahanglang makasabut nga ang kaluwasan maoy sa makausa ug para sa tanan, ug naglungtad sa kahangturan. Hangtod nga ikaw makasabut sa waykatapusang seguridad ug nagtoo nga ikaw magpuyo uban sa Dios sa kahangturan, ikaw dili makatubo diha sa Kristohanong kinabuhi.

Adunay daghang mga paagi diha nga kining waykatapusang seguridad maoy gihulagway diha sa Pulong sa Dios.

Una, ang waykatapusang seguridad maoy LOHIKAL. Kon ang Dios mihatag sa kinadak-an didto sa krus, unsa ang Iyang buhaton para kanato karon nga kita maoy mga myembro sa Iyang pamilya? Kana lamang nga mahimong mahulagway ingon sa *labi pa kay sa kinadak-an!*

Siya kinsa wala miiway sa Iyang kaugalingong Anak, apan mihatag Kaniya para kanatong tanan, unsaon man Niya nga dili usab uban Kaniya sa gawasnong maghatag kanato

sa tanang mga butang? (Mga
Taga-Roma 8:32)

Ikaw kinahanglang maghinumdum nga si Jesu-Kristo, perpektong gasa sa Dios, maoy gihatag ngari kanato sa dihang kita mao ang mga kaaway sa Dios—sa dihang kita maoy mga makasasala, sa espirituhanon patay ug angayan sa pagsilot.

Kay kon samtang kita maoy [sa Dios] mga kaaway, kita maoy gipasig-uli ngadto sa Dios pinaagi sa kamatayon sa Iyang Anak, labi pa, nga gipasig-uli, kita pagaluwason pinaagi sa Iyang kinabuhi. (Mga Taga-Roma 5:10)

Kon kita maoy gipasig-uli ngadto sa Dios sa higayon nga kita maoy kinaubsan ang pagkaangayan, Siya ba mohatag kanato sa bisan unsang *ubus* kay sa *hilabihan* karon nga kita maoy natawo pag-usab? Diha sa Mga Taga-Roma, si Pablo maoy nag-ingon

og *dili!*

Sa lohikal, unya, kini maoy imposible para kanato nga mahanaw ang atong kaluwasan tungud kay ang Dios mihatag kanato sa *maslabaw pa kay sa kaluwasan*. Isip mga myembro sa pamilya sa Dios kita maoy ubus sa labi-pang pag-amuma sa Dios. Sa dihang Siya naghatag kanato sa gasa sa waykatapusang kinabuhi, Siya nagsiguro niana nga gasa para sa tibuuk eternidad.

Ikaduha, kita adunay usa ka bag-ong POSISYON DIHA NI KRISTO nga maoy waykatapusan diha sa kinaiya. Sa takna nga kita nagdawat ni Kristo isip Manluluwas, kita maoy gisulud ngadto sa paghiusa uban ang Anak sa Dios. Human nga kita misulud ngadto sa paghiusa uban ni Kristo pinaagi sa bawtismo sa Balaang Espiritu, kita maoy usa uban Kaniya sa kahangturan.

Kay pinaagi sa usa ka Espiritu kitang tanan nabawtismohan ngadto sa usa ka lawas, maskin mga Hudiyo o mga Griyego, maskin mga ulipon o gawasnon,

ug kitang tanan gihimo sa pag-inum sa usa ka Espiritu. (1 Mga Taga-Corinto 12:13)

Imong makita, ang Kristiyanismo maoy dili usa ka rilihiyon. Diha sa rilihiyon, ang tawo naningkamot sa pag-angkon sa pag-uyon sa Dios pinaagi sa iyang kaugalingong mga buhat, apan ang Kristiyanismo maoy usa ka waykatapusan, personal nga relasyon uban sa Dios. Kon ikaw midawat ni Jesu-Kristo isip imong Manluluwas, nan ikaw adunay usa ka waykatapusang relasyon uban sa Dios; ikaw maoy gidawat “diha sa Gihigugma” (Mga Taga-Efeso 1:6). “Ang Gihigugma” maoy usa ka pagpunting ngadto ni Ginoong Jesu-Kristo isip ang hingtungdan sa waykatapusang gugma sa Amahan. Isip usa ka magtotoo diha ni Ginoong Jesu-Kristo, ikaw usab mao ang magdadawat sa pareho nga waykatapusang gugma. Dili ikatingala nga si Pablo misinggit:

Kay ako nakumbinser nga walay kamatayon, ni kinabuhi, ni mga

anghel, ni mga prinsipalidad,
ni mga butang karon, ni mga
butang sa umaabut, ni mga
gahum, ni gitas-on, ni giladmon,
ni bisan unsa nga laing gibuhad
nga butang, ang makahimo sa
paghimulag kanato gikan sa
gugma sa Dios, nga anaa diha
ni Kristo Jesus nga atong Ginoo.
(Mga Taga-Roma 8:38-39)

Ang ikatulong konsepto diha sa doktrina
sa waykatapusang seguridad mao nga ang
magtotoo maoy anaa diha sa KAMUT SA DIOS.

Sa dihang siya nalaglag, siya
dili malabay nga nag-una
ang ulo;

Tungud kay ang GINOO mao ang
Usa kinsa naggunit sa iyang
kamut. (Mga Salmo 37:24)

Sa dihang ikaw nagtoo diha ni Jesu-Kristo,
ikaw maoy gigunitan sa siguro diha sa Iyang
omnipotent nga kamut! Ikaw tingali magbuhi

sa Ginoo sa daghang mga panahon, apan wala gayud bisan kausa si Jesu-Kristo nagbuhi kanimo. Ikaw maoy gigunitan diha sa kamut sa Dios sa kahangturan.

“Ug Ako naghatag og waykatapusang kinabuhi ngadto kanila, ug sila dili gayud mamatay; ug walay usa ang makaagaw kanila gikan sa Akong kamut.” (Juan 10:28)

Ikaupat, ang PAGKAMATINUMANON SA DIOS nagsiguro sa atong waykatapusang umaabut. Ang kaluwasan sa matag magtotoo maoy nasiguro pinaagi sa waykatapusan, dimausab nga mga hiyas sa Dios. Bisn og kita nag-ingon nga kita wala na motoo, ang Dios nagpabiling matinumanon. Ang pagpadayon sa atong kaluwasan wala nag-agad og kinsa ug unsa mao kita. Kita maoy walay-hinungdan! Isip mga magtotoo, maskin kita maoy maayo o daotan, talahuron o malaw-ay, matinumanon o dimatinumanon—kini maoy dili kinsa ug unsa kita. Ang atong

kaluwasan nag-agad diha sa kinsa ug unsa ang Dios. Ang Dios nga Amahan, Dios nga Anak, ug Dios nga Balaang Espiritu sa permanenteng nagpuyo kanato ug ang Dios dili makasupak sa Iyang-kaugalingon.

Kon kita maoy waypagtoo, Siya nagpabiling matinumanon; kay Siya dili makalimud sa Iyang-kaugalingon. (2 Timoteo 2:13)

Human sa kaluwasan kita makaguul ug makapalong sa Espiritu pinaagi sa sala (Mga Taga-Efeso 4:30; 1 Mga Taga-Tesalonica 5:19), apan ang Dios mihimo og probisyon diha sa Iyang plano sa grasya para sa matag sala diha sa Kristohanong kinabuhi—walay sapayan unsa ka dako.

Kon kita magsugid [maghingalan ngadto sa Dios nga Amahan] sa atong mga sala, Siya maoy matinumanon ug matarong sa pagpasaylo kanato sa atong mga sala ug sa paghinlo kanato gikan

sa tanang dipagkamatarong. (1
Juan 1:9)

Ikalima, ang KINALABWANG-KAMANDOAN SA DIOS kinahanglang sud-ongon. Unsa man ang labawng-kamandoan nga kabubut-on sa Dios diha sa kaluwasan? Ang Dios maoy dili masugtanon nga bisan kinsa ang mamatay apan nga ang tanan makaabut ngadto sa usa ka pag-usab sa panghunahuna mahitungud sa persona ni Kristo (2 Pedro 3:9). Ang Dios nga Amahan misangkap og usa ka perpektong plano para sa atong waykatapusang panulundon.

Dayegon ang Dios ug Amahan sa atong Ginoong Jesu-Kristo, kinsa sumala sa Iyang dakong kalooy mipahimo kanato aron matawo pag-usab ngadto sa usa ka buhing paglaum pinaagi sa pagkabanhaw ni Jesu-Kristo gihan sa patay, sa *pagkuha* og usa ka panulundon *nga maoy* dimadunot ug wayhugaw ug dili

mahanaw, gitagana sa langit para kanimo, kinsa maoy gibantayan pinaagi sa gahum sa Dios pinaagi sa pagtoo para sa usa ka kaluwasan nga andam aron mapadayag diha sa katapusang panahon. (1 Pedro 1:3-5)

Ang ikaunum nga hitabo para sa waykatapusang seguridad maoy makita diha sa GRIYEGONG PUNGLIHOK NGA MGA PANAHOONG diha sa kaluwasang mga bersikulo sa orihinal nga pinulongan sa Bag-ong Testamento. Diha sa Mga Taga-Efeso 2:8, ang perpektong panahong sa Griyego nga punglihok (*sozo*), “aron maluwas o matubus,” nagpahayag nga ang lihok sa punglihok, “naluwas,” maoy gitapos uban sa mga resulta nga nagpadayon sa kahangturan.

Kay pinaagi sa grasya ikaw naluwas [naluwas kaniadto uban ang resulta nga ikaw padayong naluwas sa kahangturan]. (Mga Taga-Efeso 2:8a)

Ang laing bersikulo nga nagpanghimatuud sa pagkahangtod sa kahangturan sa atong seguridad naggamit sa aorist nga panahong sa punghihok sozo.

“[Diha sa usa ka punto sa panahon] too diha ni Ginoong Jesus, ug ikaw maluwas [makausa ug para sa tanan].”
(Mga Buhat 16:31)

Ikapito, kita adunay konsepto sa PAMILYA. Human ikaw maoy natawo ngadto sa pamilya sa Dios, ikaw mao sa kanunay diha sa pamilya sa Dios.

Kay kamong tanan mga anak sa Dios pinaagi sa pagtoo ni Kristo Jesus. Kay tanan kaninyo kinsa maoy nabawtismohan ngadto ni Kristo gibistihan ang inyong-kaugalingon uban ni Kristo. Wala bisan Hudiyo ni Griyego, wala bisan ulipon ni gawasnong

tawo, wala bisan lalaki ni babaye; kay kamong tanan usa ra diha ni Kristo Jesus. (Mga Taga-Galacia 3:26-28)

Ikawalo, sa haduul nga may kalabutan ngadto sa konsepto sa pamilya mao ang konsepto sa LAWAS.

Siya [Kristo] mao usab ang pangulo sa lawas, ang simbahan [tanang mga magtotoo]. (Mga Taga-Colosas 1:18a)

Ang matag magtotoo maoy usa ka myembro o usa ka bahin sa lawas ni Kristo sa kahanngturan.

Ug ang mata dili makasulti ngadto sa kamut, “Ako wala nagkinahanglan kanimo”; o usab ang ulo [Kristo] ngadto sa mga tiil [mga magtotoo], “Ako wala nagkinahanglan kanimo.” (1 Mga Taga-Corinto 12:21)

Sa katapusan, ang atong kaluwasan maoy GISELYO sa waykatapusan pinaagi sa Balaang Espiritu. Ang usa ka selyo maoy usa ka garantiya para sa panalipud ug kasaligang paghatud. Ang Balaang Espiritu maoy gihatag sa matag magtotoo sa takna sa kaluwasan sa paggarantiya sa atong panalipud sa panahon ug kasaligang paghatud ngadto sa langit diha sa eternidad.

Diha Kaniya, ikaw usab, human sa pagpaminaw ngadto sa mensahe sa kamatuuran, ang ebanghelyo sa imong kaluwasan—usab mitoo, ikaw maoy giselyo diha Kaniya uban ang Balaang Espiritu sa saad, kinsa maoy gihatag isip usa ka saad sa atong panulundon, uban sa usa ka panan-aw ngadto sa katubsanan sa *kaugalingong* mga kabtangan sa *Dios*, ngadto sa pagdayeg sa Iyang himaya. (Mga Taga-Efeso 1:13-14)

MGA MAGTOTOO MAOY DIHA SA PERPEKTONG PLANO SA DIOS

Adunay daghan kaayong tinago nga mga kamatuuran nga maoy gituman pinaagi sa Dios—daghang mga dagway sa kaluwasan nga tingali ikaw wala makasabut. Ang tanan nga gihimo sa Dios Siya naghimo sa tuman, aron nga ang imong kaluwasan dili mag-agad diha sa unsa ang imong himoon o unsa ang imong bation. Bisan pa og adunay kap-atan ka mga absoluto nga ang Dios naghatag kanimo sa takna nga ikaw nagtoo diha ni Jesu-Kristo, ikaw tingali nagkinahanglan og daghang katuigan sa pagkaplag kanilang tanan gikan sa Kasulatan, bisan pa kining “bag-ong mga butang” maoy tanan anaa didto!

Busa kon si bisan kinsang tawo maoy diha ni Kristo, *siya maoy* usa ka bag-ong binuhat; ang karaang mga butang milabay

na; paminaw, bag-ong mga butang miabut na. (2 Mga Taga-Corinto 5:17)

Ang “bag-ong mga butang” maoy dili ang pipila ka dayag nga kausaban sa pamatasan; sila maoy dili usa ka bag-ong pagbati, o bisan pa usa ka butang nga ikaw nagbiya isip usa ka magtotoo. Kini mga bag-ong mga butang mao ang kap-atan ka mga panalangin nga ikaw nagdawat sa kaluwasan. Gikan sa takna sa kaluwasan, ang Dios adunay usa ka plano para kanimo. Ikaw maoy usa ka bahin sa perpektong plano sa Dios ug usa ka hingtungdan sa Iyang waykatapusang gugma ug pag-amuma.

Tingali ikaw midawat sa perpektong gasa sa Dios nga si Jesu-Kristo isip Manluluwas, apan ikaw maoy niini nga takna usa ka waykadasig nga Kristohanon. Ikaw tingali adunay mga duhaduha diha sa imong hunahuna mahitungud sa matag bahin sa imong kinabuhi ug nagbati nga ikaw miusik og kinadaghanan sa imong panahon niining kalibutana. Ikaw tingali nalibog mahitungud

sa imong katuyoan diha sa kinabuhi. Nan, hinumdumi kini: Ikaw mao buhi pa, ug samtang ikaw maoy buhi, ang Dios adunay usa ka perpektong plano para kanimo.

Walay sapayan unsa ka mapaubsanon o unsa ka mahimayaon ang imong mga panghitabo, ang Dios adunay usa ka katuyoan para kanimo. Ang imong padulngan maoy gibutyag samtang ikaw nagtubo sa espirituhanon. Diha sa pagdawat sa perpektong gasa sa Dios, usa ka matahum nga kinabuhi sa kahulugan, katuyoan, ug katin-awan naghulat kanimo. Kini nga katuyoan mahimong mahibaloan ug masabtan lamang pinaagi sa kahibalo sa Pulong sa Dios. Ang usa ka ignoranteng Kristohanon maoy usa ka napilding Kristohanon. Ang perpektong plano sa Dios para sa magtotoo nagsugod uban ang doktrina sa Bibliya ug nagtapos uban ang doktrina sa Bibliya. Ang imong hagit diha sa Kristohanong kinabuhi mao ang pag-ila ni Jesu-Kristo.

Apan pagtubo diha sa grasya ug kahibalo sa atong Ginoo ug Manluluwas nga si Jesu-Kristo. Ngadto Kaniya *mao* ang himaya, pareha karon ug ngadto sa adlaw sa eternidad. Amen. (2 Pedro 3:18)



Usa ka kompletong listahan sa kap-atan ka mga absolutong gihatag ngadto sa matag magtotoo sa takna sa kaluwasan maoy makit-an diha sa *The Plan of God*, ni R. B. Thieme, Jr., anaa gikan sa R. B. Thieme, Jr., Bible Ministries.

PALISIYA SA PINANSIYAL

Walay bayad para sa bisan unsa nga materyal gikan sa R. B. Thieme, Jr., Bible Ministries. Si kinsa kadtong nagtinguha og pagtudlo sa Bibliya makaangkon sa among [English] mga publikasyon, DVDs, ug MP3 CDs nga walay obligasyon. Ang Dios naghatag og doktrina sa Bibliya. Kami nanghinaot sa pagpadayag sa lyang grasya.

Ang R. B. Thieme, Jr., Bible Ministries maoy usa ka ministeryo sa grasya ug naglihok sa katibuk-an diha sa boluntaryong mga kontribusyon. Walay listahan sa presyo para sa bisan unsa sa among mga materyal. Walay kwarta nga gipangayo. Kon ang pagkamapasalamaton para sa Pulong sa Dios nagdasig sa usa ka magtotoo sa paghatag, siya adunay pribilihiyo sa pagpaambit ngadto sa pagpakaylap sa doktrina sa Bibliya.

DOKTRINAL NGA MGA PAGTOON SA BIBLIYA

Doktrina sa Bibliya, ang unud sa pagtudlo nga gikuha gikan sa literal nga interpretasyon sa mga Kasulatan, maoy sukdanan sa espirituhanong kamatuuran. Ang pagtoon sa Bibliya naghatag og espirituhanong pampabaskog sa Kristohanon (Mateo 4:4).

Ang pagkamahinungdanon sa doktrina sa Bibliya pagahatagan gayud og importansiya (Mga Salmo 138:2). Ang Dios nagsugo sa Kristohanon aron sa pag-usab espirituhanon (Mga Taga-Roma 12:2). Kini nga pagkausab nanginahanglan og kada adlaw nga pagbag-o sa hunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sa daghan nang katuigan ang doktrinal nga mga klase sa Bibliya nga gitudlo ni R. B. Thieme, Jr., nakahatag sa adlaw-adlaw nga espirituhanong pagkaon para sa iyang kongregasyon. Mga mantalaan, DVDs, ug MP3 CDs anaa nga walay bayad o obligasyon. Usa ka *Catalogo sa Doktrinal nga mga Pagtoon sa Bibliya* ipanghatag base sa inyong hangyo.

R. B. THIEME, JR., BIBLE MINISTRIES

P.O. Box 460829
HOUSTON, TEXAS 77056-8829

www.rbthieme.org
713-621-3740

ANG MAGSUSULAT

Si ROBERT B. THIEME, JR. (1918-2009) nagpabilin nga usa ka mahinungdanong tingog sa Kristiyanismo sa tibuuk kalibutan. Ang iyang makugihon, mapatin-awong pagpanudlo maoy gibasi diha sa orihinal nga mga pinulongan sa Kasulatan sumala sa makasaysayanong konteksto nga ang Bibliya nahasulat. Ang iyang binag-o nga mga sistema sa bokabularyo, mga ilustrasyon, ug bibliyanhong mga kategoriya sa klaro nga nagpahayag sa dimasayup nga mga kamatuuran sa Pulong sa Dios. Si Thieme nakarekord og kapin sa napulog-usa ka libo ka mga oras sa mga sermon ug nakamantala og kapin sa usa ka gatus ka mga libro og naglukup hapit sa Bibliya.

Si Thieme nakatapos didto sa University of Arizona (Phi Beta Kappa) ug Dallas Theological Seminary (summa cum laude). Ang iyang pagtungha sa seminaryo nahunong tungud sa pagpangalagad militar sa Ikaduhang Gubat sa Kalibutan diin misaka siya sa ranggo nga tenyente koronel sa Kwerpo sa Kasundalohan sa Kahanginan sa Estados Unidos. Human natapos sa iyang padayon nga pagtungha niadtong 1950, siya nahimong pastor-magtutudlo sa Simbahan sa Berachah sa Houston, Texas. Ang iyang malukpanong pagbansay sa Griyego, Hebreohanon, teyolohiya, kasaysayan, ug textual criticism naghatag og pundasyon sa iyang masuknaong propesyonal nga kinabuhi sa pagtoon ug pagtudlo sa Pulong sa Dios. Si Thieme miluwat sa pagkapastor-magtutudlo sa Simbahan sa Berachah human sa singkwentay tres ka mga tuig nga matinud-anong pagpangalagad.

